



Na osnovu člana 50. Poslovnika Predstavničkog doma Parlamentarne skupštine Bosne i Hercegovine (“Službeni glasnik BiH”, br. 33/06, 41/06, 81/06, 91/06, 91/07, 87/09 i 28/12) i člana 44. Poslovnika Doma naroda Parlamentarne skupštine Bosne i Hercegovine (“Službeni glasnik BiH”, br. 33/06, 41/06, 91/06, 91/07 i 32/12), **Zajednička komisija za ekonomske reforme i razvoj Parlamentarne skupštine Bosne i Hercegovine**, na 17. sjednici održanoj 26. 2. 2014. godine, usvojila je

IZVJEŠTAJ O RADU ZAJEDNIČKE KOMISIJE ZA EKONOMSKE REFORME I RAZVOJ ZA 2013. GODINU

Uvodne napomene

Zajednička komisija za ekonomske reforme i razvoj (u daljnjem tekstu: Komisija) je stalno radno tijelo Parlamentarne skupštine Bosne i Hercegovine. Njena nadležnost je regulirana odredbama člana 56. Poslovnika Predstavničkog doma (“Službeni glasnik BiH”, br. 33/06, 41/06, 81/06, 91/06, 91/07, 87/09 i 28/12) i člana 50. Poslovnika Doma naroda (“Službeni glasnik BiH”, br. 33/06, 41/06, 91/06, 91/07 i 32/12).

Na 2. sjednici Predstavničkog doma, održanoj 9. 6. 2011., izabrani su članovi Komisije: Danijela Martinović, Petar Kunić, Boško Tomić, Azra Hadžiahmetović, Zijad Jagodić i Dragan Čović, a na 2. sjednici Doma naroda, održanoj 29. 6. 2011., izabrani su: Halid Genjac, Hasan Bećirović, Dragan Čović, Krunoslav Vrdoljak, Mladen Ivanić i Krstan Simić.

Odlukom o razrješenju i imenovanju člana Zajedničke komisija za ekonomske reforme i razvoj, donešenom na 5. sjednici Predstavničkog doma, održanoj 14. 7. 2011., („Službeni glasnik BiH“, broj 59/11), od 25. 7. 2011., Petar Kunić razriješen je dužnosti člana Komisije, dok je Nikola Špirić imenovan za člana Komisije.

Odlukom o izmjenama odluke o izboru članova Zajedničkih komisija oba doma Parlamentarne skupštine Bosne i Hercegovine, donešenom na 24. sjednici Predstavničkog doma, održanoj 15. 3. 2012., („Službeni glasnik BiH“, broj 24/12), od 27. 3. 2012., Nikola Špirić razriješen je dužnosti člana Komisije, a za člana Komisije imenovan je Saša Bursać. Također, pomenutom Odlukom, Dragan Čović razriješen je dužnosti člana Komisije, a za člana Komisije, u ime Predstavničkog doma, imenovan je Dragan Vrankić.

Na Konstituirajućoj sjednici Komisije, održanoj 7. 7. 2011., Danijela Martinović izabrana je za predsjedavajuću Komisije, Krstan Simić izabran je za prvog zamjenika predsjedavajuće Komisije, dok je Hasan Bećirović izabran za drugog zamjenika predsjedavajuće Komisije.

Kolegij Predstavničkog doma, na 44. sjednici, održanoj 12. 2. 2008. godine i Kolegij Doma naroda, na 10. sjednici, održanoj 18. 2. 2008. godine, donijeli su Rješenje o imenovanju kojim se Amer Bekrić imenuje na radno mjesto sekretara Zajedničke komisije za ekonomske reforme i razvoj. Imenovani je stupio na dužnost 3. 3. 2008. godine.

Pravilnikom o unutrašnjoj organizaciji i sistematizaciji radnih mjesta u Sekretarijatu Parlamentarne skupštine BiH, u Uredu sekretara Komisije je sistematizirano mjesto stručnog saradnika, koje je popunjeno 1. 4. 2012. godine.

Komisija je od konstituisanja radila na provođenju obaveza utvrđenih poslovnica, kao i obaveza koje su joj određene odlukama kolegija domova.

Opšti podaci o sjednicama Komisije i prisustvo sjednicama

Opštim odredbama o komisijama domova i opštim odredbama o zajedničkim komisijama oba doma utvrđenim poslovnica regulirano je: osnivanje zajedničkih komisija; broj i struktura članova komisije; dužnosti; organizacija rada; sazivanje sjednica; donošenje odluka komisije; saradnja s drugim komisijama i tijelima; metode rada; osnivanje potkomisija ili radnih grupa.

U periodu od 1. 1. do 31. 12. 2013. Komisija je održala sedam sjednica.

Prisustvo članova sjednicama Komisije izraženo u procentima bilo je 61,8%.

Sjednice Komisije su trajale u prosjeku po jedan sat i 25 minuta.

Aktivnosti na sjednicama praćene su zapisnički. Zapisnike sjednica vodi sekretar Komisije prema usvojenim tačkama dnevnog reda po utvrđenoj poslovničkoj proceduri i metodologiji. U saradnji s predsjedavajućim i članovima Komisije, konačan tekst zapisnika definira se i dostavlja na lektoriranje na jezike u službenoj upotrebi u BiH.

Interna organizacija i procedure

Prema planovima aktivnosti domova iz nadležnosti Komisije, koje određuju kolegiji Predstavničkog doma i Doma naroda, predsjedavajući Komisije, u saradnji sa sekretarom, organizuje i zakazuje sjednicu s prijedlogom dnevnog reda.

Planovi aktivnosti Komisije i njenih članova utvrđuju se prema orijentacionim radnim planovima domova i orijentacionom radnom planu Komisije.

Sjednici Komisije treba da prisustvuje najmanje sedam njenih članova, uz uslov da je prisutna najmanje polovina članova iz svakog doma, kako bi mogli pravovaljano odlučivati.

Komisija odlučuje prostom većinom članova koji su prisutni i glasaju, uz uslov da ta većina sadrži jednu trećinu članova svakog doma koji su prisutni i glasaju i jednog predstavnika iz konstitutivnih naroda.

Rezultati glasanja, prijedlozi i zaključci koje Komisija usvoji, zapisnički se konstatiraju za svaku tačku dnevnog reda.

Izvještaje koje Komisija podnosi domovima priprema sekretar Komisije u saradnji s predsjedavajućim, a prema potrebi i ostalim članovima Komisije kada to nalažu određeni razlozi.

Zakonodavna aktivnost

Komisija u periodu januar – decembar 2013. godine nije razmatrala niti jedan prijedlog zakona.

Informativne aktivnosti

U izvještajnom periodu Komisija je razmatrala i druge akte koji nisu zakonodavnog karaktera, i to:

1. Inicijativu poslanika Šemsudina Mehmedovića sa 42. sjednice Predstavničkog doma, održane 14. 2. 2013. (inicijativa broj: 01-50-19-222/13 od 19. 2.2013.),
2. Inicijativu poslanika Senada Šepića sa 55. sjednice Predstavničkog doma, održane 24.10.2013. (Inicijativa broj: 01-50-1-1106/13, od 24.10.2013. godine),
3. Inicijativu poslanika Ante Domazeta sa 57. sjednice Predstavničkog doma, održane 20.11.2013. (Inicijativa broj: 01-50-1-1212/13, od 20.11.2013. godine),
4. Izvještaj o radu Vijeća ministara BiH za 2012. godinu,
5. Izvještaj o radu Zajedničke komisije za ekonomske reforme i razvoj za 2012. godinu,
6. Orjentacioni radni plan Zajedničke komisije za ekonomske reforme i razvoj za 2013. godinu,
7. Materijal Direkcije za ekonomsko planiranje BiH „Ekonomski trendovi u Bosni i Hercegovini“,
8. Materijal Direkcije za ekonomsko planiranje BiH „Informacija o bh konkurentnosti“,
9. Materijal Direkcije za ekonomsko planiranje BiH „Informacija o kretanju makroekonomskih pokazatelja januar - novembar 2012. godine“,
10. Prezentaciju aktivnosti Konkurencijskog vijeća BiH,
11. Prezentaciju aktivnosti Vijeća za državnu pomoć BiH,
12. Prezentaciju aktivnosti Agencije za unapređenje stranih investicija u BiH (FIPA),
13. Prezentaciju aktivnosti Agencije za nadzor nad tržištem BiH,
14. Prezentaciju aktivnosti Institucije ombudsmana za zaštitu potrošača u BiH,
15. Prezentaciju aktivnosti Agencije za osiguranje u BiH,
16. Konferencija Mreže parlamentarnih odbora za finansije i ekonomiju zemalja Zapadnog Balkana, Bečići, Crna Gora, 2. - 3. 6. 2013. godine - Izvještaj sa službenog putovanja.

Ostale aktivnosti Komisije

Komisija je, u saradnji sa Fondacijom Konrad Adenauer i USAID – Projektom jačanja institucija vlasti i sistema u Bosni i Hercegovini, organizirala dvije konferencije, koje su za cilj imale upoznavanje poslanika i delegata Parlamentarne skupštine Bosne i Hercegovine, entitetskih parlamenata i Skupštine Brčko Distrikta Bosne i Hercegovine, sa aktualnim i relevantnim ekonomskim temama u kontekstu EU-integracija Bosne i Hercegovine. Konferencijama su prisustvovali i uzeli učešće predstavnici institucija iz zemalja regiona, te institucija Bosne i Hercegovine, Ministarstava, Direkcija i Agencija kako Bosne i Hercegovine, tako i entiteta. Posebno je značajno naglasiti učešće bh. poslovne i akademske zajednice. Konferencije su dobro primljene i pozitivno ocijenjene od javnosti, praćene su od bh. pisanih i elektronskih medija, a o njima je izvještavano u pozitivnom smislu.

Tokom 2013. godine Komisija je organizirala dvije Konferencije, i to:

1. Regionalna konferencija: “Strategija razvoja Bosne i Hercegovine i iskustva regiona”, 16. 4. 2013. godine,
2. Konferencija „Rad i zapošljavanje“, 28.11.2013. godine.

Regionalna konferencija: “Strategija razvoja Bosne i Hercegovine i iskustva regiona”, 16. 4. 2013. godine

Konferencija „Strategija razvoja Bosne i Hercegovine i iskustva regiona”, održana 16. 4. 2013. godine, imala je međunarodni karakter uz prisustvo predstavnika Srbije i Crne Gore. Konferenciji su prisustvovali i poslanici i delegati PS BiH, predstavnici institucija Vijeća ministara BiH i entitetskih parlamenata. Konferencija je pozitivno ocjenjena kako od strane učesnika, tako i od medija.

Konferencija „Rad i zapošljavanje“, 28.11.2013. godine

Obzirom na samu temu konferencije, Konferencija „Rad i zapošljavanje“, održana 28. 11. 2013. godine, je prevashodno organizirana kako bi relevantne institucije iz BiH prezentirale trenutno stanje u oblasti rada i zapošljavanja te ponudile konkretne mjere za prevazilaženje problema. Na Konferenciji su učešće uzeli predstavnici institucija BiH i entiteta, predstavnici poslovne i akademske zajednice te predstavnici nevladinog sektora. I ova Konferencija je bila dobro medijski praćena.

Saradnja sa drugim institucijama i organizacijama

Komisija je imala kontinuiranu saradnju sa institucijama Vijeća ministara BiH, i to Direkcijom za ekonomsko planiranje BiH, Konkurencijskim vijećem BiH, Vijećem za državnu pomoć BiH, Agencijom za unapređenje stranih investicija BiH (FIPA), Agencijom za nadzor nad tržištem BiH, Institucijom ombudsmana za zaštitu potrošača u BiH i Agencijom za osiguranje u BiH, čiji su predstavnici prisustvovali sjednicama Komisije i učestvovali u raspravama po tačkama dnevnog reda koje su razmatrane na sjednicama. Pored pobrojanih institucija, Komisija je nastavila saradnju sa Agencijom za rad i zapošljavanje BiH, Institutom za mjeriteljstvo BiH, Institutom za akreditiranje BiH, Institutom za standardizaciju BiH, te Agencijom za statistiku BiH.

Međunarodne aktivnosti

Komisija je održavala naročito intenzivnu saradnju sa predstavnicima međunarodne zajednice u BiH, prije svega USAID – Projektom jačanja institucija vlasti i sistema u Bosni i Hercegovini i Fondacijom Konrad Adenauer.

Značajan segment međunarodnih aktivnosti Komisije odnosi se na aktivno učešće u radu Regionalne mreže parlamentarnih odbora za ekonomiju i finansije zemalja zapadnog Balkana.

U tom smislu, predsjedavajuća Komisije je prisustvovala Konferenciji Mreže parlamentarnih odbora za finansije i ekonomiju zemalja Zapadnog Balkana, posvećene uspostavi Sekretarijata Mreže i jačanju uloge parlamenta i vlada u promociji konkurentnosti i ekonomskog rasta, održane u Bečićima, Crna Gora, 2. - 3. 6. 2013. godine, a sekretar Komisije Konferenciji Mreže posvećene efikasnom nadzoru nad finansiranjem iz IPA fondova, održane u Ohridu, Makedonija, 28.11. - 1. 12. 2013. godine.

Također, u periodu 25. – 26.11.2013. godine, članovi Komisije, Azra Hadžiahmetović, Halid Genjac, Krunoslav Vrdoljak i Zijad Jagodić, uz pratnju sekretar Komisije, su prisustvovali Seminaru o ekonomskoj krizi i njenom uticaju na politike EU i zemlje proširenja, održanom u

Briselu, Belgija. Član Komisije, Azra Hadžiahmetović, je u periodu 26. – 27.11.2013. godine, prisustvovala Konferenciji Evropske platforme protiv siromaštva i socijalne isključenosti, također održanoj u Briselu, Belgija.

Rezultati rada Komisije

Na osnovu navedenih aktivnosti, može se zaključiti da je Komisija realizirala postavljene zadatke.

Opća procjena i sugestije

Imajući u vidu opis poslova i utvrđene poslovničke procedure, može se konstatirati da su se, u izvještajnom periodu, aktivnosti Komisije odvijale nešto manjim intenzitetom.

Predsjedavajuća Zajedničke komisije

dr. Danijela Martinović